

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা।

সংবাদ গতিধারা

ঢাকা, বৃহস্পতিবার ২৫ ফেব্রুয়ারি ২০১৬, ১৩ ফাল্গুন ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। শিক্ষার্থীদের কুসংস্কার থেকে দূরে রাখতে হবে : রাষ্ট্রপতি
- ২। উন্নত দেশ গড়তে আত্মবিশ্বাসের সঙ্গে কাজ করণ : প্রধানমন্ত্রী
- ৩। জঙ্গীরা যেন পুলিশে নিয়োগ না পায় সেদিকে সতর্ক থাকুন : সংসদে প্রধানমন্ত্রী
- ৪। পটুয়াখালী-কুয়াকাটা শেখ কামাল, শেখ জামাল সেতু উদ্বোধন আজ
- ৫। সরকারি ক্রয় কমিটিতে ৬টি প্রস্তাব অনুমোদন
- ৬। পুঁজিবাজার উন্নয়নে অংশীদারের সঙ্গে কাজ করছে সরকার : শিল্পমন্ত্রী
- ৭। পায়রা বন্দর প্রকল্প আইন ২০১৬ পাস
- ৮। সংকট কাটিয়ে ঘুরে দাঁড়িয়েছে বিজিবি : বিডিআর বিদ্রোহের সাত বছর
- ৯। জঙ্গিবাদের বিরুদ্ধে পুলিশের সতর্ক থাকতে হবে : আইজিপি
- ১০। বাংলাদেশ থেকে আরও জনশক্তি নিতে আগ্রহী কুয়েত : স্পিকারের সঙ্গে রাষ্ট্রদূতের সাক্ষাৎ
- ১১। মৌসুমের শুরুতে বজ্রসহ বাড় শিলাবৃষ্টি : ব্যাপক ক্ষয়ক্ষতি

১। শিক্ষার্থীদের কুসংস্কার থেকে দূরে রাখতে হবে : রাষ্ট্রপতি

রাষ্ট্রপতি মো. আবদুল হামিদ ছাত্রছাত্রীদের কুসংস্কার ও প্রযুক্তির অপব্যবহার থেকে দূরে রাখতে বিশ্ববিদ্যালয় কর্তৃপক্ষের প্রতি আহ্বান জানিয়েছেন। তিনি বলেন, শিক্ষার্থীরা যাতে কুসংস্কার ও সংকীর্ণ মানসিকতা থেকে নিজেদের মুক্ত রেখে গড়ে তুলতে পারে সেভাবে শিক্ষা দেওয়া বিশ্ববিদ্যালয়গুলোর দায়িত্ব ও কর্তব্য। গতকাল ২৫ ফেব্রুয়ারি বুধবার রাজধানীতে আহছান উল্লাহ বিজ্ঞান ও প্রযুক্তি বিশ্ববিদ্যালয়ের অষ্টম সমার্বতনের ভাষণে রাষ্ট্রপতি এ কথা বলেন। সূত্র-সমকাল (পৃ.১৯,ক.৩), যায়যায়দিন (পৃ.১৫,ক.৫), নিউজ টুডে (পৃ.২,ক.৫), ডেইলি সান (পৃ.৩,ক.২)।

২। উন্নত দেশ গড়তে আত্মবিশ্বাসের সঙ্গে কাজ করুন : প্রধানমন্ত্রী

প্রধানমন্ত্রী শেখ হাসিনা ক্ষুধা ও দারিদ্র্যমুক্ত উন্নত বাংলাদেশ গড়ে তোলার লক্ষ্যে আত্মবিশ্বাস ও দেশপ্রেমের সঙ্গে দায়িত্ব পালন করার জন্য তাঁর দপ্তরের কর্মকর্তাদের প্রতি আহ্বান জানিয়ে বলেছেন, দারিদ্র্য মুক্ত, সুখী ও সমৃদ্ধশালী বাংলাদেশ গড়ে তোলাই আমাদের লক্ষ্য। তাই সবাইকে আত্মবিশ্বাস এবং দেশপ্রেম নিয়ে সততা ও আন্তরিকতার সঙ্গে নিজ নিজ ক্ষেত্রে দায়িত্ব পালনে সচেষ্ট হতে হবে। প্রধানমন্ত্রী গতকাল ২৪ ফেব্রুয়ারি বুধবার তাঁর নিজ কার্যালয়ের অধীনস্থ বিভিন্ন দপ্তরের বাস্তবায়নাধীন প্রকল্পসমূহের বিগত ৬ মাসের অগ্রগতি পর্যালোচনামূলক সভায় সভাপতিত্বকালে একথা বলেন। সূত্র-ইত্তেফাক (পৃ.১৯,ক.৮), জনকণ্ঠ (পৃ.১,ক.৫), নিউজ টুডে (শেষ পৃ.,ক.১), ডেইলি সান (পৃ.২,ক.১)।

৩। জঙ্গীরা যেন পুলিশে নিয়োগ না পায় সেদিকে সতর্ক থাকুন : সংসদে প্রধানমন্ত্রী

প্রধানমন্ত্রী ও সংসদ নেতা শেখ হাসিনা জনবল নিয়োগের ক্ষেত্রে সচেতন থাকতে পুলিশ বাহিনীর প্রতি আহ্বান জানিয়ে বলেছেন, যারা সন্ত্রাসী কর্মকাণ্ডে লিপ্ত, যারা অগ্নিসন্ত্রাস ও জঙ্গীবাদী কার্যকলাপে লিপ্ত তারা যেন একটি সুশৃঙ্খল বাহিনীতে আসতে না পারে, এটা আশা করি। স্পিকার ড. শিরীর শামরিন চৌধুরীর সভাপতিত্বে গতকাল ২৪ ফেব্রুয়ারি বুধবার জাতীয় সংসদ অধিবেশনে প্রধানমন্ত্রীর জন্য নির্ধারিত প্রশ্নোত্তর পর্বে একাধিক সম্পূরক প্রশ্নের জবাবে প্রধানমন্ত্রী এসব কথা বলেন। সূত্র-জনকণ্ঠ (পৃ.১,ক.৬), প্রথম আলো (পৃ.২,ক.২), ইনকিলাব (পৃ.১,ক.৬), ডেইলি স্টার (পৃ.১,ক.৮), ইন্ডিপেনডেন্ট (পৃ.১,ক.৫)।

৪। পটুয়াখালী-কুয়াকাটা শেখ কামাল, শেখ জামাল সেতু উদ্বোধন আজ

পটুয়াখালী-কুয়াকাটা মহাসড়কের শেখ কামাল ও শেখ জামাল সেতুসহ দক্ষিণ-পূর্বাঞ্চলের নবনির্মিত ১৮টি সেতু উদ্বোধন হচ্ছে। আজ ২৫ ফেব্রুয়ারি বৃহস্পতিবার বেলা ১১টায় গণভবন থেকে ভিডিও কনফারেন্সের মাধ্যমে সেতুগুলোর উদ্বোধন করবেন প্রধানমন্ত্রী শেখ হাসিনা। উদ্বোধনের পর থেকেই সেতুগুলো যান চলাচলের জন্য উন্মুক্ত করে দেওয়া হবে বলে সড়ক ও সেতু মন্ত্রণালয় সূত্র জানায়। এছাড়া আজ সিগন্যালিং ব্যবস্থাসহ রেলওয়ের টপ্পী-ভৈরববাজার ডাবল লাইন প্রকল্পের আওতায় দ্বিতীয় রেললাইন ট্রেন চলাচলের উদ্বোধন করবেন প্রধানমন্ত্রী। সূত্র-সংবাদ (শেষ পৃ.,ক.১), ইত্তেফাক (পৃ.২,ক.৩), ইনকিলাব (পৃ.১,ক.৫), অবজারভার (শেষ

পূ.,ক.৬), ফিনানশিয়াল এক্সপ্রেস (শেষ পূ.,ক.৪)।

৫। সরকারি ক্রয় কমিটিতে ৬টি প্রস্তাব অনুমোদন

ঢাকা থেকে পটুয়াখালীর যোগাযোগ ব্যবস্থা উন্নয়নে পায়রা নদীর ওপর ১ হাজার ৪৭০ মিটার দীর্ঘ লেবুখালি সেতু নির্মাণসহ ৬টি প্রস্তাব অনুমোদন দিয়েছে ‘সরকারি ক্রয় সংক্রান্ত মন্ত্রিসভা কমিটি’। ছয়টি প্রস্তাবে মোট ব্যয় হবে ২০১১ কোটি ২৫ লাখ টাকা। গতকাল ২৪ ফেব্রুয়ারি বুধবার সচিবালয়ে ক্রয় কমিটির এ বৈঠকে অনুষ্ঠিত হয়। কমিটির চেয়ারম্যান অর্থমন্ত্রী আবুল মাল আবদুল মুহিত রাষ্ট্রীয় সফরে যুক্তরাষ্ট্র অবস্থান করায় বাণিজ্যমন্ত্রী তোফায়েল আহমেদ বৈঠকে সভাপতিত্ব করেন। সূত্র-সংবাদ (শেষ পূ.,ক.১), প্রথম আলো (পূ.১২,ক.৪), বাংলাদেশ টুডে (শেষ পূ.,ক.৬)।

৬। পুঁজিবাজার উন্নয়নে অংশীদারের সঙ্গে কাজ করছে সরকার : শিল্পমন্ত্রী

পুঁজিবাজার উন্নয়নে সরকার উন্নয়ন অংশীদারের সঙ্গে যৌথভাবে কাজ করছে জানিয়ে শিল্পমন্ত্রী আমির হোসেন আমু বলেছেন, পুঁজিবাজার অনেক আগেই ডিমিউচুয়লাইজড করা হয়েছে। এটি শেয়ার ক্রয়-বিক্রয়ে অধিকতর পেশাগত উৎকর্ষতা নিশ্চিত করেছে। গতকাল ২৪ ফেব্রুয়ারি বুধবার রাজধানীর একটি হোটেলে অ্যাসোসিয়েশন অব চার্টার্ড সার্টিফাইড এ্যাকাউন্ট্যান্টস আয়োজিত ‘বাংলাদেশের শিল্পখাতের উন্নয়ন এবং আর্থিক পেশাজীবীদের ভূমিকা’ শীর্ষক আলোচনা সভায় প্রধান অতিথির বক্তব্যে তিনি একথা বলেন।

সূত্র-জনকণ্ঠ (পূ.১৭,ক.১), ইত্তেফাক (পূ.১৮,ক.৫)। =৩=

৭। পায়রা বন্দর প্রকল্প আইন ২০১৬ পাস

পায়রা বন্দর প্রকল্প বাস্তবায়নের লক্ষ্যে ভূমি অধিগ্রহণের জন্য প্রয়োজনীয় বিধান প্রণয়নে পায়রা বন্দর প্রকল্প আইন-২০১৬ জাতীয় সংসদে পাস করা হয়েছে। বিলে ক্ষতিগ্রস্তদের হাতে ক্ষতিপূরণের অর্থ ৬০ দিনের মধ্যে ইউনিয়ন পরিষদ বা ওয়ার্ড কমিশনার অফিসে প্রকাশ্যে তুলে দেওয়ার বিধান রাখা হয়েছে। স্পিকার ড. শিরীন শারমিন চৌধুরীর সভাপতিত্বে গতকাল ২৪ ফেব্রুয়ারি বুধবার জাতীয় সংসদ অধিবেশনে বিলটি পাসের প্রস্তাব উত্থাপন করেন ভূমিমন্ত্রী শামসুর রহমান শরীফ। পরে কণ্ঠভোটে তা পাস হয়। সূত্র-জনকণ্ঠ (পূ.৩,ক.৪), নিউজ টুডে (পূ.১,ক.২), ফিনানশিয়াল এক্সপ্রেস (শেষ পূ.,ক.৫)।

৮। সংকট কাটিয়ে ঘুরে দাঁড়িয়েছে বিজিবি : বিডিআর বিদ্রোহের সাত বছর

আজ ২৫ ফেব্রুয়ারি ভয়াবহ বিডিআর (তৎকালিন) বিদ্রোহের সাতবছর পূর্ণ হলো। ২০০৯ সালের এইদিনে তখনকার বাংলাদেশ রাইফেলস-বিডিআরের বিপথগামী সদস্যরা বিদ্রোহ করে। এসময় তারা ৫৭ জন সেনা কর্মকর্তাসহ ৭৪ জনকে নির্মমভাবে হত্যা করে। পিলখানায় সংঘটিত বর্বরোচিত হত্যাকাণ্ডে শহিদদের স্মরণে শাহাদাত বার্ষিকী পালিত হবে। দিনের কর্মসূচি অনুযায়ী শহিদদের রুহের মাগফিরাতের উদ্দেশ্যে পিলখানাসহ বিজিবির সকল রিজিয়ন, সেক্টর, প্রতিষ্ঠান ও ইউনিটের ব্যবস্থাপনায় বাদ ফজর খতমে কোরআন এবং বিজিবির

সকল মসজিদ এবং বিওপি পর্যায়ে শহিদদের রুহের মাগফিরাত কামনা করে দোয়া ও মিলাদ মাহফিল অনুষ্ঠিত হবে। সূত্র-ইত্তেফাক (পৃ.১,ক.৫), সংবাদ (পৃ.১,ক.৩), ইন্ডিপেনডেন্ট (পৃ.১,ক.২), নিউ এজ (পৃ.১,ক.৭) প্রথম আলো, সমকাল, ভোরের কাগজ, ডেইলি স্টার, এ বিষয়ে লিড নিউজ ছেপেছে।

৯। জঙ্গিবাদের বিরুদ্ধে পুলিশের সতর্ক থাকতে হবে : আইজিপি

জঙ্গিবাদের বিরুদ্ধে সবাইকে সতর্ক থাকতে হবে। আইনশৃঙ্খলা বাহিনীর কার্যকর উদ্যোগের কারণে জঙ্গিবাদ এখনও নিয়ন্ত্রণে রয়েছে। জঙ্গিবাদের বিরুদ্ধে পুলিশকে সব সময় বিশেষভাবে সতর্ক থাকতে হবে। কমিউনিটি পুলিশের মাধ্যমে সমাজের সকল স্তরের মানুষকে নিয়ে জঙ্গিবাদের বিরুদ্ধে প্রতিরোধ গড়ে তুলতে হবে। গতকাল ২৪ ফেব্রুয়ারি বুধবার পুলিশ হেডকোয়ার্টার্সের সম্মেলন কক্ষে অনুষ্ঠিত ত্রৈমাসিক সভায় পুলিশ মহাপরিদর্শক একেএম শহীদুল হক এসব কথা বলেন। সূত্র-জনকণ্ঠ (পৃ.৩,ক.৪), ইত্তেফাক (পৃ.৩,ক.২), নিউজ টুডে (শেষ পৃ.,ক.৬), বাংলাদেশ টুডে (শেষ পৃ.,ক.৫)।

১০। বাংলাদেশ থেকে আরও জনশক্তি নিতে আগ্রহী কুয়েত : স্পিকারের সঙ্গে রাষ্ট্রদূতের সাক্ষাৎ

সিপিএ চেয়ারপারসন ও জাতীয় সংসদের স্পিকার ড. শিরীন শারমিন চৌধুরীর সঙ্গে সাক্ষাৎকালে বাংলাদেশে নিযুক্ত কুয়েতের রাষ্ট্রদূত আদেল মোহাম্মদ হায়াত বাংলাদেশ থেকে আরও জনশক্তি নিতে তার দেশের আগ্রহ প্রকাশ করেছেন। গতকাল ২৪ ফেব্রুয়ারি বুধবার সংসদ ভবনে স্পিকারের কার্যালয়ে সাক্ষাৎকালে রাষ্ট্রদূত এ আগ্রহের কথা জানান। সূত্র-সংবাদ (শেষ পৃ.,ক.৫), ইন্ডিপেনডেন্ট (পৃ.১৯ ক.৪),

১১। মৌসুমের শুরুতে বঙ্গসহ ঝড় শিলাবৃষ্টি : ব্যাপক ক্ষয়ক্ষতি

দেশের অধিকাংশ জায়গায় গতকাল ২৪ ফেব্রুয়ারি বুধবার গভীর রাতে ও ভোর থেকেই দমকা হাওয়া ও বঙ্গসহ বৃষ্টিপাত হয়েছে। মধ্য ফাল্গুনের আগে পূবালী লঘুচাপের বর্ধিতাংশ (ট্রোফ) ও উর্ধ্বমুখী বায়ুচাপের প্রভাবে হঠাৎ করেই স্বাভাবিক আবহাওয়া পাল্টে যায়। এ সময় ঢাকা, চট্টগ্রামসহ দেশের অনেক জায়গায় মৌসুমের প্রথম দমকা থেকে প্রবল ঝড়ো হাওয়া ও বঙ্গপাতের সাথে মুষলধারে বর্ষণ হয়। শিলাবৃষ্টি হয়েছে ঢাকাসহ অনেক এলাকায়। রাজধানী ঢাকায় আচমকা শিলাবৃষ্টিতে অন্তত ২০ জন পথচারী আহত হয়েছে। নরসিংদীতে ঝড়ের সময় দেয়াল চাপা পড়ে দুই বোনের মৃত্যু হয়েছে। সূত্র-ইনকিলাব (পৃ.১,ক.৩), প্রথম আলো (শেষ পৃ.,ক.৪), ডেইলি স্টার, (পৃ.১,ক.৬), ইন্ডিপেনডেন্ট (শেষ পৃ. ক.৭)।

সম্পাদকীয়

- ক. **প্রথম আলো :** ইউনিয়ন পরিষদ (ইউপি) নির্বাচনের প্রথম ধাপের মনোনয়নপত্র জমা দেওয়ার শেষ দিনে বেশ কিছু স্থানে প্রার্থীকে আটক রাখা, মনোনয়নপত্র ছিনতাই এবং প্রতিপক্ষ প্রার্থীর ওপর হামলার ঘটনায় নিন্দা জানিয়ে একটি সুষ্ঠু নির্বাচন অনুষ্ঠানের জন্য নির্বাচন কমিশনকে প্রয়োজনীয় সংবিধান প্রদত্ত ক্ষমতা প্রয়োগের সুপারিশ।
- খ. **ইত্তেফাক :** শ্রমঘন তথা ক্ষুদ্র ও মাঝারি শিল্প (এসএমই) স্থাপনের মাধ্যমে কর্মসংস্থানের সুযোগ সৃষ্টি অর্থনীতিকে অগ্রসর করার অন্যতম মূলমন্ত্র বলে মন্তব্য।
- গ. **জনকণ্ঠ :** দেশের উন্নয়নের জন্য প্রতিটি শিল্পে দ্রুত বিদ্যুৎ সংযোগের ওপর গুরুত্বারোপ।
- ঘ. **সংবাদ :** বায়োমেট্রিক পদ্ধতিতে সিমকার্ড নিবন্ধন বন্ধ করতে আন্তর্জাতিক কলের ব্যবসায় জড়িত একটি চক্র তৎপর হয়ে নানা অপপ্রচার চালাচ্ছে উল্লেখ করে এদের শনাক্ত করে দ্রুত আইনি ব্যবস্থা নেওয়ার দাবি।
- ঙ. **ইনকিলাব :** রাজধানীসহ দেশের বিভিন্ন জেলা শহরে মশার অত্যাচারে জনজীবন অতিষ্ঠ হওয়ার কথা উল্লেখ করে মশার উপদ্রব হতে রক্ষা পেতে সরকারি-বেসরকারি সকল মহলকে সমন্বিত ও আন্তরিক উদ্যোগ নেওয়ার আহ্বান।
- চ. **ডেইলি স্টার :** জাপান এক্সটার্নাল ট্রেড অর্গানাইজেশন (জেট্রো) এর প্রতিবেদনে বাংলাদেশকে বিনিয়োগবান্ধব দেশ হিসেবে মূল্যায়ন করার বিষয় তুলে ধরে কর্তৃপক্ষকে বিনিয়োগের সমস্যা সমূহকে গুরুত্বের সাথে নেওয়ার সুপারিশ।
- ছ. **ইন্ডিপেনডেন্ট, ডেইলি স্টার, সংবাদ :** শারীরিক প্রতিবন্ধীদের নিয়োগ দেওয়া ও তাদের জন্য কর্মবান্ধব পরিবেশ তৈরি করতে উদ্যোক্তাদের প্রতি আহ্বান।
- জ. **ডেইলি সান :** গ্র্যাজুয়েশন করা শিক্ষার্থীদের অর্ধেকই চাকুরির সুযোগ না থাকায় বেকার থাকছে উল্লেখ করে নতুন নতুন শিল্প কারখানা স্থাপন করে ও আত্মকর্মসংস্থানের জন্য সহজ শর্তে ব্যাংক লোনের ব্যবস্থা করে এ সমস্যা সমাধানের পদক্ষেপ নেওয়ার ওপর গুরুত্বারোপ।
- ঝ. **নিউজ টুডে :** মার্কিন যুক্তরাষ্ট্রে ও ইউরোপের বাজারে চিংড়ি রপ্তানি কমে যাওয়ায় এ বিষয়ে রপ্তানিকারকদের কার্যকর ব্যবস্থা গ্রহণের আহ্বান।
- ঞ. **নিউ এজ :** সরকারি বড় বড় প্রজেক্টের কাজের সময়সীমা বার বার পরিবর্তন করায় জনস্বার্থে এসব

প্রজেক্টের কাজ প্রচেষ্টা দ্বিগুণ করে হলেও নির্ধারিত সময়সীমার মধ্যে সম্পন্ন করার প্রত্যাশা ব্যক্ত করে সম্পাদকীয় প্রকাশ করেছে।

উপ-সম্পাদকীয়

সংবাদ পত্রিকায় প্রকাশিত কলামে দেশের অন্যতম দুটি সামুদ্রিক বন্দর, প্রাকৃতিক সম্পদের স্বর্গ সুন্দরবন এবং পর্যটন সম্ভাবনা সমৃদ্ধ কক্সবাজারকে কার্যকর অবস্থায় পাওয়া জাতীয় অর্থনৈতিক উন্নয়নের জন্য জরুরি বলে উল্লেখ করা হয়েছে।

নিবন্ধ ও ফিচার

ইত্তেফাক পত্রিকায় প্রকাশিত 'নদী মালার মরণদশা' শিরোনামের নিবন্ধে মো. এনামুল হক খান দেশকে রক্ষা করতে হলে নৌপথকে রক্ষা করা প্রয়োজন বলে অভিমত প্রকাশ করেছেন।

#

ফারহানা/মরজিনা/সাইদা/রশীদ/২০১৫/৯.০০ ঘণ্টা

